

恩施縣志卷之九

人物志

鄉賢  
方技

行誼  
釋氏

忠義

孝友

列女

流寓

謹按一鄉之士果能立德立功立言無論仕宦儒  
林有國史在非職之紀載所宜及也然華陽國  
志於漢晉士女表功勳旌賢能惟恐或後誠慮  
百世後人徃風微而芳烈清風卒無以昭示來  
茲為可惜也志人物

鄉賢

周

恩施縣志

卷九

人物

一

巴蔓子都亭里人周季為巴將軍巴國亂蔓子請  
援師於楚許以三城楚人來援國賴以安楚使  
請城蔓子謝曰藉大楚之靈克綏禍亂顧三城  
先君之封不可得也請以吾頭往乃自刎以頭  
授楚使持報楚王楚王曰使吾得臣如蔓子者  
城何以為遂以上卿之禮葬其頭於荆門山之  
陽巴人亦以上卿之禮葬其身於都亭山

明一  
統志

漢

尹珍母歛人自以生長荒裔不知禮義從汝南許

慎受經書學成還鄉教授於是南域始知向學  
仕荊州刺史

按毋斂非施地然舊志載入鄉賢今仍之詳

辨訛羅志

宋

詹邈博學宏詞科第一行誼亦高恩施利川建始

三縣皆祀鄉賢羅志

謹按湖北通志載邈道政鄉龍里橋人宋志

又謂祖墓在利川碑碣尚存顧祖墓未可據

恩施縣志

卷九

人物

二

以定籍貫也且利川在宋爲夷地無應試之  
例謂爲利川人非是建始祀之者以邈屋址  
在建故也詎知土人相傳郡之登龍橋及北  
鄉板橋俱有詹邈屋基謂爲建始亦非是

明

向得豪施州都亭里人歲貢生永樂十五年任交  
州府同知洪熙元年黎利叛陷交州被執不屈  
罵賊死崇祀鄉賢

童昶字明甫別號客星本衛世襲指揮僉事博學

有文初平獠向能蜀鄢藍二賊又從征石阡方  
四及廣西斷藤峽等處俱有功歷靖州參將及  
淮安總鎮命下而公卒著有施州衛大田所二  
志周正考樊川詩俱燬於兵燹崇祀鄉賢

童希賜字宗盟施州歲貢舉孝廉不求仕宦母強  
之仕受霍州同知三月聞母病卽歸歿祀鄉賢  
申潮字汝信施州人歲薦南雍歸見施蠻將變條  
成五事一議兵備宜專鎮施二守備宜移南坪  
三重夔軍糧宜復本邑解施四宜撤靖州戍兵

恩施縣志

卷九

人物

三

五塗堡宜增兵防於謁選上之部議免戍軍餘  
條目爲迂濶授淮安府知事越三年土寇黃中  
叛會兩省兵討平之而地方受客兵害殆甚於  
賊始服其先見旋議善後悉如所議歿祀鄉賢  
童希益號新齋昶次子衛諸生嘉靖中土寇黃中  
叛上安邊十二策聘作參軍同經歷汪澤等說  
黃中降事平叙功力辭請以贖宗子指揮童養  
廉失律之罪以孫天閱貴受封崇祀鄉賢

以上俱本

行誼

向午鳳施州人至元二十一年征岢蠻充哨馬把  
總身先士卒事平引蠻入覲授開封將領大德  
九年陞紹慶路總管 楚紀

明

陳德芳少聚生徒教授洪武四年明師伐蜀德芳  
諷施南土司覃州隆降附以兵助王師欲酬其  
功固辭不受獻藩欲以卓行薦使者及門踰垣  
而避焉 舊衛志

恩施縣志

卷九

人物

四

裴承祖施州人洪武中以秀才異等拜監察御史  
命同御史張亨等八人署都察院事承祖劾奏  
武定侯郭勳私蓄家僮擅殺無辜帝命議其罪  
已而宥之尋出爲浙江僉事治獄平允擢江西  
按察使 舊志

童鐘字景陽衛指揮天順間川寇孫居士等流入  
施南司鐘督擒孫居士等三十餘人其餘黨復  
竄入土陀寨攻劫彭水等縣蜀撫汪浩檄鐘再  
勦斬賊首二十八人餘黨悉散川湖以安 舊衛

志

許深字大本穎悟好學師事黃溥以歲貢終宏治  
壬子崇教寨民叛當事欲由人山嶺進取公上  
言斑鳩崖之險一夫可守若由萬寨木裏園搗  
其背則彼險可奪遂擒首惡賊以平 宋志

陳濬字士哲左所人性孝友博學強記與許深同  
出黃溥之門屢試不第遂絕意進取教授生徒  
學者呼麟溪先生 宋志

向佶施州崇寧里人天順間寇起佶以諸生率民

恩施縣志

卷九

人物

五

擒賊闔境以安仕至順天府治中 舊衛志

陳址字對滄施州衛人博學工詩由歲薦歷潁州  
州判 舊衛志

張問禮號立齋施州衛人萬曆丙子舉人睢州知  
州清白自矢忤魏璫降馬湖通判尋遷嘉定州  
眉州知州告歸 舊衛志

張應揚問禮子選貢任華州州同有惠政陞廉州  
府通判祀華州名宦 湖廣通志

鄧宏烈字東升施州衛官籍由歲薦任雙流縣知

縣督施兵征播連破三關及青山川砦諸屯楊  
應龍自焚死募士冒火取得其尸事見平播全  
書歷遵義大理嚴州三府同知家貧如故卒年  
逾九十 湖廣通志

黃訓字印台施州衛人常獨騎行山中遠見茅簷  
下微露黃蓋知必官長乃徒步過之其古道如  
此由歲薦爲長汀教諭士服其教 舊衛志

張三揚號熙還施州人以明經謁選注光祿寺署  
承 舊衛志

恩施縣志

卷九

人物

六

葛楚元字覲雲歲貢婺川令以調停播餉安集流  
民功當陞竟挂冠歸 舊衛志

周經世字衡臨世襲衛指揮使歷二十年有能聲  
舊志

楊偉衛百戶當黃中之變暮夜訛言偉挺身偵探  
無事施城乃安蠟壁恃險負固偉冒死至寨曉  
以禍福遂詣軍門降後擢廣西都司世襲支羅  
年九十卒 舊衛志

張鉉字五岳施州衛諸生少時喪妻不更娶由明

經知孝義桃源二縣寧違上以恤民稍不直卽  
袖律例以白後致仕歸與寒素講學不倦

舊衛志

李一鳳字岐陽施州人萬曆己酉舉人知貴池縣

陞徽州同知以廉惠稱致仕歸開大莫園以課

子弟重修衛志

舊志

牟文綬字章甫施州衛人天啟中以功授黔守備

後移守鳳泗陵寢賊不敢犯陞淮安總兵征討

川湖流寇晉鳳衛伯雖介胃之士冲和有儒者

氣象

舊衛志

## 恩施縣志

### 卷九

人物

七

童天閱昶裔孫崇禎庚午舉人初仕部郎福王唐

王時扈以奔播晉三部尚書

舊衛志

童天衢施州歲貢纂衛志頗稱博洽

舊衛志

鄧宗啟字開甫號魯山施州衛拔貢授武選司郎

中亂後不仕隱居教授

舊衛志

張延齡字令齒號藥溪篤行博學精六書工詩文

明喪禮遠近學者宗之有濠上下集二編行於

世亂離之後先正云亡所以昭示來學咸魯山

藥溪二先生之力云

舊衛志

金鳳翔施州衛人意氣激昂王觀興搜山人民流

離鳳翔不忍見投水死

舊衛志

童大德施州衛歲貢任寧德丞委修海防不忍派

民屢修屢壞作文祭之是夜大風濤湧沙成隄

以功最遷去民尸祝之致仕歸囊無一物

舊衛志

童大欽還孤客遺金數百兩貧不苟取鄉人重之

唐志

## 國朝

張都字俞廷屯籍明末選貢康熙時授定興丞遷

## 恩施縣志

### 卷九

人物

八

高陵知縣有惠政民尸祝之陞池州同知致仕

僑寓安陸每桑梓有所修營必遣奚相助焉

舊

衛志

陳世凱字贊伯屯籍 國初滇黔蜀省猶未靖利

地連蜀凱年十四與牟大寅統衆禦賊因獻策

四川總督李國英隨征川東巫巴諸賊有功復

從征閩逆耿精忠不著兜鍪攻城身被數創不

退卒拔其城軍中號曰陳鐵頭牟老虎官至浙

江提督浙人感全溫之德崇祀名宦

見湖北通志



王封鎮字建元衛諸生博學能文雍正七年館於容美土司署剛方正直土司敬禮之輯衛志簡

嚴有體

府志

諶本璉字賓侯恩施諸生性孝友敦行崇學時士之通經者多出其門嘉慶初白蓮猖獗本璉率鄉人於杉木壩之關門巖壘石爲關拒賊賊懾不敢進旋制府帥軍扣關本璉恐賊之僞扞益嚴乃令人引長絙縋己下與鄉人約曰如賊殺我可掀石擊之乃見制府制府褒其義勇年七

恩施縣志

卷九

人物

九

十餘卒於鄉

李世達號微之恩施鄉貢進士學深六經精義素履無咎爲士林楷模教授生徒學成者百五六十人鄉黨先輩多授業於門年八十餘猶講學不倦性靜謹厚坐不壘膝言笑不苟雖燕居素履必整緇布袷不去身也九十卒於家子甸春貢生孫應鐘庠生

胡在泗號杏亭邑歲貢生爲人端恭靜慎貌溫而氣和遇事堅正不可以非義屈講求修身寡過

之道恒以宋大儒爲依歸郡伯尹北窗大史常目執之曰是真康侯裔也講學三十年造就多一時之彥前如褚上林王家篁後如尹熾昌皆其最著者也選蘄水訓導道光己酉卒於官手訂四書講義一冊待梓仲子正棻明經邑名士也

尹其璋號禮南邑歲貢選授鄖縣訓導生平篤於學沉酣經史至老不倦性嚴正見者肅然生不泛交惟二三老友相與上下古今而已晚年德

恩施縣志

卷九

人物

十

愈盛嘗訓子弟曰人之立身宜守正不阿尤宜抑然自下故自號抑齋官鄖時諸生皆遠驕矜之習遵其教也舉節孝六十餘人人不以爲濫服其誠也道光二十三年卒於官仲子熾昌邑庠生純儒也孫克垣克均皆入邑庠

周炳先號星橋邑歲貢篤學安貧選授房縣訓導卒於官

褚上林號春農邑歲貢制行不苟澹於仕進耽吟咏曾客江漢間所作詩人多傳誦詹湘亭賜綺

堂集中附錄尤多馮展雲學使按試來施下車  
卽詢求遺稿題詩於簡端樊鑿庭軍門爲梓其  
香雪山館詩集行世長子希昉邑明經次子希  
昆邑庠生皆以詩文世其家

向正書字玉璘邑諸生性剛直嚴正不阿生平敦  
篤實行事繼母極孝母瞽躬親侍養至老無間  
其仁心義質恩德被於鄉閭至今猶仰遺型焉  
子三長存道中武舉次元魁中武進士簪藍翎  
官直隸都司三奎文邑歲貢生孫入膠庠者八

恩施縣志

卷九

人物

十一

道光二十五年 誥封昭武都尉

楊聯紳號逸亭性忼直而存心則肫然如佛自少  
至老言行皆任天而動無絲毫飾人有憂危事  
必措之安而後止人有過常直言規諷之無稍  
隱諱晚年益好學著有河洛理數四卷家訓二  
冊

王家筠號滋圃邑拔貢候選教諭生平敦行孝友  
砥礪廉隅於文公家禮考訂甚詳著有喪禮撮  
要一編鄉人多奉行之俗由是屏佛道而宗家

禮有聽雨樓詩四卷梓行馮展雲學士爲題其

集

子正續貢生均知名正緯  
歲貢生均知名士

周遠杰號偉堂邑歲貢品端正而慎義利之辨先

家貧弟強析居及弟故遺孤子弱息復令同居

婚嫁畢以己所置產分其半而與之尤篤學工

文詞督學王霞九侍御曾梓其制藝於試牘子

先甲邑庠生

趙銘哲號智菴性沉毅而品端方博覽羣書多留

心天下之務中丞胡公聞其名聘參軍務以略

恩施縣志

卷九

人物

十二

血還山卒二子世玩世澁爲邑知名士

鄢耀廷字藻卿邑歲貢寡言笑慎取與生而孤露

家徒四壁黃卷青燈之外毫無干預有雅人高

致不染修飾習氣雖與衣狐貉者立亦無覆焉

子開杏邑庠生

朱孔殷號惺菴邑廩貢生言行正直性愛林泉不

縈情於仕宦家饒裕捐修驛路三十里領修南

郡書院郡伯楊作舟太守獎以敦行尚義匾額

忠義

宋

向良施州道正鄉人初署參軍歷陞都統景炎

年元兵襲州城破之不屈死

楚紀

元

向壽福施州人至正時從征襄陽功授行樞密判

歷同樞密院守鐵築城時明玉珍據蜀明高帝

遣蔡哲往諭其子明昇復令僞丞相戴壽攻城

壽福死之

恩施縣志

卷九

人物

十三

向紹榮施州人元末招集鄉人守禦本州大將劉

應賢奏署元帥府事明玉珍據重慶屢招不應

遣將李萬戶來攻紹榮敗之執萬戶時副元帥

譚登私釋萬戶以城降榮恥之遁入蠻中不知

所之

楚紀

向廷芳壽福從子同宗兄向景仁征襄漢有功授

夔路總管隨劉平章出征戰死景仁領其衆防

鐵築城後城陷亦死之

舊湖廣通志

明

黃九鼎字君重施州人崇禎末以鄉貢授遵義府

推官陞馬湖同知遇土賊不屈死

舊衛志

覃大允東鄉土司子事君天啟間征黔父子死事

加二等陞尉司

童天申字祿所施州衛官籍由鄉貢授蘄水訓導

流賊入蘄以身殉難贈國子助教

以上并見湖廣通志乾隆

四十年附祀忠義祠

崔希文黃志明並衛旗軍覃壁之叛欲縛主將二人奪刀刃數人勢不能支並死之

舊衛志

恩施縣志

卷九

人物

十四

趙光大施州衛歲貢生崇禎時死流寇之難予卹

國朝

嘉慶元年以後勦除賊匪死事弁兵義勇祀昭忠祠者

向廷芳恩施人嘉慶二年從征破賊於奉節縣賞

六品銜七年二月從征陣亡世襲雲騎尉子茂

祿嗣

王大倫恩施人二年與向廷芳同破賊賞六品銜

七年又與向廷芳同陣亡世襲雲騎尉無嗣大

坤襲

王友貴恩施人嘉慶六年在巴東長嶺殺賊有功  
賞外委後與向廷芳等同時陣亡世襲雲騎尉  
子守誥襲

鍾志茂恩施人施南協把總嘉慶五年從勦川匪  
陣亡世襲雲騎尉子尙爵襲

姚士華江夏籍恩施人雲南景蒙營遊擊嘉慶五  
年從征川陝賊於成縣陣亡其子諸生金榜扶  
柩歸葬世襲雲騎尉子金榜襲

趙甲恩施人施南協把總嘉慶六年從征陣亡世

恩施縣志

卷九

人物

十五

襲雲騎尉子天申襲

李敏恩施人施南協把總嘉慶三年從勦教匪  
陣亡世襲雲騎尉無嗣以兄子文桂襲

黃國珍恩施人施南協把總嘉慶元年五月從勦  
教匪於旗鼓寨陣亡世襲雲騎尉無嗣國珠襲  
國珠子大成襲

曹緒德恩施武生嘉慶元年從征教匪以功給六  
品銜五年在興山縣陣亡世襲雲騎尉子維藻

襲

鄭紹舉恩施人嘉慶元年從勦賊匪以功給六品銜五年在興山縣陣亡世襲雲騎尉子繩武襲  
滕美貴恩施人施南協把總嘉慶元年從征賊匪  
於來鳳縣陣亡世襲雲騎尉子自莊襲自莊子  
成典襲

劉鳳興山籍恩施人施南協把總以事被議嘉慶元年從征教匪陣亡世襲恩騎尉子受爵襲  
黃萬全邑生員嘉慶二年率鄉勇勦賊被擒罵賊  
死

恩施縣志

卷九

人物

十六

黃振萬邑人嘉慶二年同萬全率鄉勇勦賊罵賊  
死

段茂林	許大成	李唐	王朝龍	覃光祿
鄒尙連	袁世雄	齊登貴	許登敖	林如松
劉永和	劉從政	劉士信	康添元	舒華
陳朝富	劉登舉	鄧明義	龍啟相	商文彩
潘世俊	李雲	劉永國	潘世信	楊門太
吳啟文	陳廷富	胡啟文	張世明	彭世紀
張明聰	李文錦	商文星	袁存智	汪之選



吳廷珍 張榮 楊萬朝 周啟貴 張啟榮

王仕得 王朝良 熊廷照 陳悅 徐成鳳

郭正祥 陳廷福 錢大勝 張啟瑞 陳太

劉登榜 趙文 袁天祥 張興貴 陳賢韜

李光大 梁富 陳武福 吳天壽 馮勝元

謝光德 潘明先 舒紹雲 黃貴 周朝品

張啟朝 羅仕元 蕭立常 李烈 汪正榮

李光耀 向光明 祝金榜 金富 彭國富

王定科 張世觀 商恒德 吳天相 張坤

恩施縣志 卷九 人物 十七

張烈 劉登魁 楊宗仁 賀繼全 魏登舉

譚英育 金祥 賈元 彭世義 潘世佐

袁龍 金榮玉 金榮科 金秀 金玉

張元貴 周德榮 楊烈 陳邦元 許登海

史科 周尚義 江坤 譚仕倫 毛凱

蕭立榮 彭恩義 楊彪 李安 黃廷祿

謝興林 崔復貴 荀珍 張有德 彭世志

陳維德 吳啟富 袁廷槐 譚天才 李宗哲

陳才舉 梁先 李朝俸 禹其貴 劉宗仁

李世德 王玉龍 張明遠 龔元貴 盧貴

鄒啟成 莫士榮 黃望高 譚海 陳正雲

趙元 劉興德 陳雲 孫雲 劉朝信

以上兵丁 彭平江 軍功 譚永謨 軍功 趙彥龍 軍功 張應國

軍功領袖 黎青照 高相 陳大勇 蕭太

周瓏 譚貴 管貴 向應道 李懷明

吳允興 張朝青 楊正隴 易承達 張志相

熊瑤相 陳明爵 陳自太 李添澍 沈啟才

陳萬清 孫成富 吳侯宗 劉添富 譚景賢

恩施縣志

卷九

人物

十八

劉上坤 余正太 向思唐 田東秀 楊常

毛成萬 吳宗伯 向明新 范正科 唐天其

向昌密 張清 向德成 向昌澂 李大富

向德貞 余雲 周能乾 向天義 王大貴

楊洪萬 文光富 胡德明 文明綱 况臨明

向晶明 敖世富 龔廷祿 向元啟 周烈富

向萃先 賈光 蔣元德 廖啟義 邱堯

王國元 龔朝江 黃思富 楊必富 龐紹同

黃士江 蕭玉振 李子明 方顯達 易丕周

易永春 陳之綱 向子珠 向子棟 張乾恒

劉永科 胡章龍 劉遠成 向文範 黃錫言

陳保尙 李光全 向應廷 劉宏達 孟富

譚心榮 向光朝 黃世太 徐金華 劉秀福

金升 馮文 劉家恒 杜光廷 劉加善

譚永華 向應科 田太 梁坤才 黃天全

黃錫元 周宗德 龔占先 魯紹勳 胡文祿

胡昌國 張華 劉廷玉 廖澤明 李光文

冉大明 胡天順 黃希孝 田宏貴 陳世明

恩施縣志 卷九 人物 十九

楊世春 李華國 向宗宇 楊萬陞 徐芳

劉興教 金光裕 李祖元 周谷明 楊廷選

彭忠誥 賴廷相 胡傳仁 周天巷 汪家書

金大鵬 李元春 梅維玉 張志元 戴永倫

邵魁 陳文榜 解舒聖 向登楠 李興連

劉魁 盧太 崔尚華 魏學文 李開先

譚文和 周文學 黃元宗 黃義 孫月聖

張萬明 周宗雄 王啟和 胡天仁 王猛

趙文 舒公法 朱承鵬 楊正我 黃廷貴

向經 黃金魁 黃光榮 劉啟相 崔炳國

何大緒 向登舉 黃文清 雷士科 柴國選

劉大倫 余廷槐 傅賢才 萬理 舒傑清

韓宗保 朱廷鳳 向士洪 李士華 向國用

楊國選 黃先鳳 吳敬福 劉德文 朱成學

夏良佐 錢明 廖光和 方吉 馮傳子

盧恒士 瞿世舉 唐正權 舒正益 李登山

趙大順 龍富 趙德釗 黎盛貴 向登恒

方文盛 譚述朝 譚士品 鄒生義 劉正朝

恩施縣志 卷九 人物 二十

楊德春 朱朝 黃天純 陳國義 陳在鳳

謝萬有 楊文魁 彭起運 周德意 黃士彬

李士才 易貴 朱正當 陳富 周維斌

楊文龍 鄒若玉 劉大坤 夏天舉 謝家桂

向金元 譚大秀 金廷富 覃文美 周貴

譚正楚 陳志禮 譚興德 黃希瑚 毛文揚

冉國義 潘國明 趙彥元 劉在貴 廖宗潮

許承富 熊彥朝 吳盛元 袁啟元 崔國順

熊景鳳 陳上魁 廖啟和 陳喜 向盛□

龔紹贊 邱 玫 張廷美

以上  
鄉勇

陳連陞恩施人由行伍任廣東三江口副將道光十九年英咭喇犯粵爭虎門其時公正防堵灣門大帥復調公守沙角礮臺公晝夜嚴守夷不敢近約戰公虞兵單請益師弗與給火藥一桶公知事不濟謂長子舉鵬曰爾可將印劄賚回虎門吾受

君恩深當捐軀以報次日夷大至卒盡靡公急發礮弗然公歎曰此吾報國時也受礮洞胸死舉鵬回

恩施縣志

卷九

人物

二十一

營行數里聞礮聲若雷知父與夷戰將印劄交營書某去馳回礮臺誓死殉父隻身血戰力不支亦與於難事

聞

賜葬祭

褒以忠孝兼全字晉總兵銜

賞騎都尉世襲

勅廣東建立專祠恩施入祀昭忠祠

賞舉鵬恩騎尉世襲

詔見三子起鵬

欽賜舉人

陳展鵬聯陞次子襲輕車都尉任道士泐都司陞

襄陽遊擊咸豐七年髮匪竄黃州戰死於斗城

陳受桂舉鵬嗣子襲雲騎尉任撫標千總咸豐二

年髮匪陷武昌與其叔起鵬俱死於難

鍾淑友咸豐二年從征武昌陣亡子業光襲

黃一才恩施千總咸豐十一年從征來鳳陣亡給

雲騎尉世襲

恩施縣志

卷九

人物

二十二

咸豐年間出師各府及外省陣亡兵丁

邱元德 宋維新 賈騰連 魯定雄 劉玉文<sub>二年</sub>

史啟英 蕭有文 陳國安 袁國喜 蔡元章

李先芝 王連升 許大成 許廷鈺<sub>三年</sub> 趙裕昆

張應達 譚興倫 蕭永貴 許登訓 劉明杰

馮朝新 李名魁 陳焯芝 王國珍 吳得申<sub>五年</sub>

咸豐十一年出師咸來二縣陣亡兵丁

黃金鍾 蔡光炎 陳義申 袁有榮 彭正芳

金明科 魯紹鍾 王家春 李大才 黃映福

舒大發 唐彌發 樂興發 魯紹誠以上咸亡

周傳香 王光勝 楊大權 方玉春 譚榮祿

劉光禧 張儀達 鄒大經 彭永勝 蘇士瓊

楊上林 羅世富 潘名揚 何光順 唐紹遠

潘正貴 左子福 趙慶章 李大福 莫如宗

劉啟常 曾祚貴 柳光福

孝友

明

陳鑛施州衛人父隆樂善好施年八十九將卒取

恩施縣志

卷九

孝友

二十三

大麓焚於庭皆負券也鑛性至孝母邁疾慮不

起乃旦夕拜禱割左脇取肝方寸和粥進母母

疾遂愈以桑皮線紉其創亦無恙後母歿哀毀

骨立尋亦卒 楚紀

周誥字新吾施州衛人年十六割股療母疾學道

取准充學 衛志

張森施州衛人生而母目已盲森常以舌舐之二

十餘年母目復明 楚紀

張一奇施州衛人割股愈母疾巡按趙學道周並

旌其門

柳時達施州衛人年十五割股愈母疾

王家臣施州衛人割股救父疾

楊鵬翼施州衛行伍割股救母疾

黃鼎施州衛人割股愈親疾

張楚字郢伯施州衛人年十六割股愈親疾

李思施州衛人割股廬墓

以上並見湖北通志

李如昂胞弟如璧並施州明經事母至孝當並仕

以次出留一以養母

唐志

恩施縣志

卷九

孝友

二十四

周之麟衛官籍歲貢生任羅源縣知縣歷秦州同

知父嘗病痔麟跪吮之麟初無子父歎曰汝勿

憂無子矣年五十有奇連舉三子三畏三奇三

元俱成名

盧士奇不識詩書篤友于之義兄乏嗣強爲娶妾

生子以續祀

唐志

李俊明施州衛世襲指揮年十四割股救父疾

國朝

石堅施州衛學庠生年十六割股救母疾



石天麟堅子割股瘳母疾衛人有是父是子之號  
楊維楫四川合州人天啟間兵亂流入衛拜楊姓  
爲父及父歿葬祭以禮母病割股療之崇禎癸  
酉歲火災近其舍拜之反風滅火人以爲孝感  
張光耀恩施人少養於左氏母病藥不效割股愈  
之事在康熙二十九年十月朔時人爲之語曰  
養育親生子道須孝前楊維楫後張光耀

胡以成北鄉木撫人年十四割股愈母疾幼未學  
每問鄉先生何謂盡孝或對以定省溫清數十

恩施縣志

卷九

孝友

二十五

年奉行不怠母卒逢忌日輒泣

金玉成邑庠生年十八割股療母疾

崔元珍邑東鄉人割臂愈

李文致字雅堂邑國學生少與邑庠生孫葆交好  
孫死遺子爲昭六歲貧無依李撫之成立教讀  
婚配與己子同至昭入泮始令別居焉其友誼  
之篤如此

田宗武邑東鄉一桶水人嘉慶二年覃家耀叛田  
負祖避難夜行遇賊脅之從田泣曰予二歲失

怙母又他適非祖字之不有身也今祖年八十矣與孫相依爲命其忍跬步離哉賊感其孝釋之與脯一方助甘旨今明經耀暹其長子也

列女

明

杜暹妻鄧氏衛人年二十夫故守節年七十終萬曆時旌

田宏錦妻李氏夫故守節

譚氏衛人不知其夫姓名崇禎末軍民內訌土蠻

恩施縣志

卷九

列女

二十六

乘釁肆掠鄉村婦女被執氏負幼子隨衆行至竹王沱投水死後二日母子浮水面如生

鄧宗啟聘妻唐氏教諭唐一鴻之女遭亂誓不欲生尋自盡者再俱救免後賊至賦絕命詩自縊於避亂之忠建村一說賊驅施民出荆氏不肯受辱自縊

李成璘妻周氏弟成琪妻劉氏素相睦並爲劉二虎偽牛總兵所劫相約以死至野猪跳周在橋上一呼而下劉奮身從之俱死後收其尸臂依

手挽膚着處皆合強分之鮮血迸流因各去其

棺之左右合葬至今號妯娌墳 唐氏衛志

胡百戶妻童氏年二十夫亡誓死不嫁

周之屏妻許氏夫亡族中人強嫁之誓死不從當

事者旌之

陳埧妻李氏夫亡守節養姑教子有司表

商思永妻吳氏夫早亡守節撫孤成立當事旌之

張延祚妻陳氏祚死撫幼與繼祖姑閔氏繼姑邢

氏三世守節有司旌之

恩施縣志

卷九

列女

二十七

陳瀛妻周氏瀛卒周年二十二無子父母欲奪之

周誓死守節以終崇禎中崇祀節孝祠 按瀛卽孝友傳鑿子也

張延慶妻蔣氏慶爲賊所執罵賊死氏守節撫孤

以終

黃鼎妻趙氏流寇入城鼎死氏殮畢閉門發火伏

棺上焚死 以上并見湖南通志

光祿寺署丞張三陽妻邢氏夫歿矢志撫孤

薛某妻鍾氏千戶某之女甲申後施地離亂至戊

子兵荒饑饉斗米銀四兩餓孳枕籍氏盡出已

奩以奉舅姑自投水死

譚向氏被一隻虎兵所擄欲污之氏亂以夫在意  
在釋夫也賊殺其夫氏佯順之借賊刀埋夫竟  
賊方睡熟乃殺賊遂自刎

林國仕妻方氏被一隻虎兵所擄自刎

童養用妻楊氏夫殺人報仇欲詣官自首氏出奩  
資使逃自詣官詢其夫不言氏方孕不便刑置  
獄中數日度夫已遠自縊滅口以上本志

李女衛人父病篤刲股瘳之按院提學咸旌以額

恩施縣志

卷九

列女

二十八

趙女衛指揮趙承亨之女父病刲股愈之

陳女衛人陳欽順之女割股愈父疾

戴女衛人戴汝相之女割股愈父疾

馬女衛人馬應瑞之女割股愈父疾

彭女年十五割股愈父疾

旗軍王世臣妻杜氏姑疾割股愈之

國朝

唐錢妻向氏邑北鄉木撫民女年十六于歸次年  
歸甯母譚氏病篤女割股瘳之

張益富妻陳氏夫候選遊擊從征吳三桂溺死洞  
庭氏守節撫孤成名督學吳旌以額

何芳玉妻李氏年二十餘夫亡長子梅年三歲次  
子桂甫三月苦節撫二子成名督學繆旌以

清門令範

杜菁年妻陳氏夫亡守節撫孤乾隆四年旌

李世傑妻崔氏年二十二夫亡守節撫子成名

乾隆四年旌

廩生鄧熙皞妻黃氏年二十八夫亡守節教二子

恩施縣志

卷九

列女

二十九

墉塿皆成名乾隆十年旌

劉靖邦妻陳氏年二十四夫亡守節養葬舅姑撫

小叔子純仁及其子皆成名乾隆十八年旌

熊珍妻李氏年十九夫亡守節撫孤成立乾隆十

八年旌

陳廷玉妻張氏夫隨營効力乾隆六年從征湖南

苗匪在營物故氏年十九守節撫孤子前太守

尹公獎以勁節維風

張如玉妻廖氏年二十八夫故守節撫孤歿年七

十七

高有魁妻李氏年二十八夫故撫孤歿年六十餘  
張子登妻楊氏嘉慶十三年四月燕子崖崩壓碎  
其宅夫及舅姑妯娌皆死詣縣具呈守節撫孤  
其家復振

向源昶妻王氏年二十二夫故守節

姚承柱妻賈氏年二十四夫故守節

黃明錦妻向氏年二十夫故守節

黃得風妻譚氏年二十五夫故守節撫孤成立

恩施縣志

卷九

列女

三十

李文範妻宋氏年一十七夫故守節

涂元臣妻張氏年二十二夫故守節撫孤

譚述連妻冉氏年二十五夫故守節撫子

楊懋彩妻周氏年二十九夫故守節撫子成立

余思聖妻任氏夫故守節撫孤

楊聯紱妻滕氏年三十三夫故無子守節坐臥一

室雖內戚罕覲其面撫憲胡請 旌

向志太妻劉氏年二十夫故守節

季傳賢妻李氏 李如金妻崔氏

李如栻妻向氏

楊典妻譚氏

楊夢熊妻白氏

向正學妻黃氏

向大明妻譚氏

向發載妻黃氏

劉漢典妻賈氏

嚴開思妻朱氏

向大立妻譚氏

李方圮妻尹氏

宋士楷妻鄧氏

張能靜妻黃氏

楊逢鎬妻鄧氏

張大榮妻左氏

艾文忠妻康氏

黃世文母陳氏

劉國漢妻高氏

朱正璞妻王氏

恩施縣志

卷九

列女

三十一

袁天銓妻金氏

吳豕輝妻宋氏

涂聯富妻蔡氏

曾景芳妻熊氏

黃進達妻王氏

向明耀妻張氏

程宗武妻范氏

彭紹禹妻黃氏

周學清妻陳氏

劉惟楊妻廖氏

向登早妻黃氏

馬尚聽妻姚氏

鄭楚華妻朱氏

朱正明妻黃氏

梁作華妻陳氏

黃國興妻魏氏

汪緒達妻張氏

大受妻龔氏

譚 琛妻向氏

張靖公妻曾氏

金學順妻馮氏

朱正身妻劉氏

朱盛國妻鍾氏

劉敷慎妻黃氏

敖士進妻孟氏

李慶侯妻張氏

賀之德妻李氏

楊光柄妻王氏

袁天銳妻陳氏

陳光國妻余氏

黃光華妻向氏

張以忠妻李氏

顏方柏妻王氏

李碧堂妻唐氏

袁在珍妻王氏

馮光耀妻黎氏

恩施縣志

卷九

列女

三十二

向明貴妻陳氏

胡文杰妻杜氏

以上舊志

吳思禹妻陳氏夫亡守節家貧減己食以養舅教

子成立卒年九十七歲

吳肇俊妻李氏年二十三夫死無子矢志事翁姑

孝撫姪成立

向正寬妻崔氏夫死守節撫子成名學憲王 旌

以節孝可風

周先琳妻吳氏年二十二夫故守節家貧鄞紡績

以事孀姑撫二女成立卒年八十三歲



許登海妻史氏嘉慶三年許從征石牌陣亡氏年十九撫遺腹子堅貞自矢督學王獎以節配夫忠撫憲胡獎以節孝可風請旌現年九十一歲

許大璉妻楊氏年十六于歸未百日而夫亡家貧無子仍歸母家矢志孀居卒年四十歲撫憲胡請旌

楊佳明妻袁氏年二十八夫故無子繼夫弟次子聯紱爲嗣旋亡與媳滕氏閉戶守節紡績度日

恩施縣志

卷九

列女

三十三

府志採入撫憲胡請旌

劉盛祥妻李氏年二十六夫亡守節子女俱幼翁姑歿歸母家紡績度日卒四十四歲

朱大縉妻饒氏年十七夫故矢志撫孤現年五十九歲

黃廷護妻胡氏年十七夫故遺孤甫七月家貧事翁姑極孝撫子經畚成立里人咸稱之年六十二前縣憲楊獎以克相夫子縣憲李獎以彤管揚休督學杜獎以柏節松操撫憲胡獎以節孝

可風咸豐九年呈請 旌表

左國瑞妻吳氏年二十五夫故守節撫孤曉峯翁  
姑盡孝咸豐十一年請 旌

陳文魁妻王氏年三十夫亡遺子三家貧苦守奉  
舅姑孝養備至

易文志妻劉氏年二十三夫故守節撫孤事翁姑  
盡孝

陳啟炳妻周氏年二十五夫故無子矢志守節家  
貧勤女工以自給現年八十二歲

恩施縣志

卷九

列女

三十四

何正榜妻葉氏年二十六夫故守節撫子家貧依  
母族居紡績度日撫子成立

朱叔明妻范氏年二十夫故守節繼夫弟子爲嗣  
讀書婚配慈嚴兼盡現年五十餘

向允善女五姑六姑年及笄均許字未嫁兩婿相  
繼亡姊妹矢志守義終身督學鮑獎以姊妹雙

清

張文元妻羅氏年二十九夫亡守節不以家貧易  
志現年六十餘

聶紹邦妻陳氏年二十二夫亡守節孝養翁姑撫子成立歲荒採蕨而食現年七十九歲

徐茂昌妻王氏舅任直隸巡檢隨夫之父任父子俱歿任所氏年二十二奉孀姑匍匐歸里鬻衣度日夜盡鬻床於斷炊太守何公聞之醵於同寅助其養現年七十三

劉維高妻孫氏年二十六夫故守節

李國揚妻陸氏年十九夫故守節

龔仲清妻鄧氏年二十九夫故守節現年六十四

恩施縣志

卷九

列女

三十五

旌獎

張近禮妻任氏年二十六夫故守節九十四歲終

程大榮妻劉氏年二十夫故苦節撫堂弟之子成

立經縣詳請給志堅冰霜額

楊秀義妻毛氏夫故守節咸豐十年蒙 恩施獎

宋思忠母崔氏年二十四夫故矢志守節奉孀姑

孝

康存之妻于氏年二十八夫故守節

程啟德妻彭氏夫故守節撫幼成立蒙 恩施獎

從九朱輝達妻沈氏年二十二夫故守節現年六十三咸豐十年蒙 恩施獎

李世瑩妻胡氏夫故守節

宋仕學妻向氏年二十七夫故守節子德茂早亡

媳崔氏年二十守節姑媳同志鄉里稱之

鄢耀廷妻卓氏年三十二夫故守節撫子族鄰敬之

熊廷魁妻袁氏年三十一夫故守節撫一子成立

丁天榜妻陳氏年二十一夫故撫孤苦節三十年

恩施縣志

卷九

列女

三十六

貞靜專一鄉里無間言

覃金隆妻魯氏年二十二夫故遺子三歲族有逼令改適者氏漆身爲癩矢志撫孤

向光志妻譚氏偕夫採樵夫墜岩死氏亦跳岩死聞者無不太息

黃之傑妻劉氏夫亡守節奉翁姑孝養不衰撫子成立

劉光福妻張氏夫亡守節紡績度日孝養舅姑撫三子成立 年五十餘

龍萬青妻黃氏年二十五夫故守節家貧如洗上  
事翁姑下撫孤子三十年辛苦備嘗現年五十

六

外委孫世和妻邱氏年二十四夫故守節孝事翁

姑撫子成立現年五十一

向啟芳妻譚氏弟啟斗妻黃氏兄弟繼亡各遺二

子妯娌孀居競礪志節迄今十餘年毫無浮議

王鳴盛妻曾氏年二十一夫亡無子矢志守節翁

酗於酒氏婉容事之年四十八卒

恩施縣志

卷九

列女

三十七

張武魁妻吳氏年二十四夫亡無子立志守節事

姑盡孝家有餘粟常濟貧人現年七十五

張覩級妻黃氏年二十夫故無子矢志守節坐臥

皆與姑處繼夫弟之子爲嗣撫如己出迄今十

餘年足跡不履戶庭

向裕昆妻冉氏年二十八夫亡守節卒年七十三

胡以朝妻龍氏年三十夫亡守節撫子成立現年

六十二

覃學義妻陳氏年二十六夫故事翁姑盡禮子三

撫之成立現年五十九

姚邦安妻何氏年二十一夫亡守節撫子傭工度日子未及冠亦亡遺一孫甫一歲而媳又亡氏堅一己之節撫兩世之孤終年八十四

向華山妻冉氏年二十七夫故守節教子現年八十八

易國祥妻雷氏年三十夫亡撫子事孀姑盡孝現年七十餘

劉家玫妻彭氏年二十六夫亡守節撫子成立現

恩施縣志

卷九

列女

三十八

向昌品妻譚氏年三十夫故守節撫子現年八十餘

楊昌鼈妻梁氏夫亡守節

毛維炆妻邱氏年三十夫亡守節事姑以孝聞

譚天池妻崔氏年三十六夫故守節撫子成立年七十餘

袁開樑妻潘氏夫故守節撫子成立現年五十餘

楊正道妻倪氏年二十二夫故守節撫子成立現年六十五歲

李國林妻范氏年二十夫故守節

唐大海妻尹氏年二十八夫故守節

崔毓桐妻黃氏 江南軒妻周氏

龔仕任妻吳氏 龔仕朝妻曹氏

龔仕貴妻唐氏

姚德華之女幼字胡世文未及于歸而婿亡矢志

守貞終身不嫁

劉敦訓妻崔氏未嫁時其父崔新年病割股肉瘳  
之

陸承格妻張氏夫拙而家貧氏克盡婦道敬事翁

姑凡一粥一飯未敢先嘗傭工度日毫無怨言

譚興禮妻向氏年二十夫渡江溺死遺子甫數月

氏甘貧守節撫孤未滿三十子亦卒再撫孤孫

至於成立卒年七十

熊伯華妻周氏夫故守節撫孤德順成立現年五

十八

盧大祥妻周氏年二十七夫故矢志養親撫孤以

紡績自給現年七十八

盧宏休妻郜氏年十九夫故遺子甫八月氏矢志  
守節百苦備嘗現年五十二

莫知憲妻陳氏年十九夫死守節素服終身頽笑  
不苟日夜勤苦撫子成立歿年六十餘

李登龍妻鍾氏年二十五夫故守節繼長房子爲  
嗣學憲王給節孝可風額

尹克梅妻劉氏夫故守節現年八十五  
曾大琛妻高氏年三十夫故守節現年五十

劉順德妻趙氏年二十九夫故守節

恩施縣志

卷九

列女

四十

熊三福妻鄭氏年十九夫故守節

敖仕俊妻孟氏年三十夫故守節義方教子前學  
憲王獎以節孝可風

萬家秀妻趙氏年二十九夫故守節

向正科妻譚氏年二十六夫故矢志守節持家有  
道教子有方

庠生向應試妻譚氏試卒氏孝養翁姑詩書教子  
尤好施予每逢歲飢村中賴以舉火者數十家

學憲王旌以節孝可風



易和美妻朱氏年三十夫故守節家貧無子撫二  
女子于歸現年七十四

庠生劉元魁妻商氏年二十八夫故守節無子撫  
女適萬氏現年五十

姚金桂妻張氏武義都尉士華之次子也士華生  
子三長子與三子婦俱無出惟氏舉一子名尚  
清士華出師甘肅陣亡朝廷優卹賜雲騎尉世  
襲華長子襲焉未幾桂兄弟先後繼沒家業蕩  
然姚氏一脉惟氏是賴氏因矢志撫孤愈以家

恩施縣志

卷九

列女

四十一

貧勵節時氏年二十八歲子清三齡母子瑩瑩  
相依惟命子長氏創家稱小封焉出貲遣清入  
都承襲氏年八十餘卒

庠生皮業超妻張氏夫入泮未踰年即回原籍江  
右習舉子業氏生子甫數月而其夫外卒氏時  
年二十有六矢志撫孤守節足不出戶雖鄰里  
罕見其面自夫故後歷二十餘年如一日

劉順理妻吳氏年二十八夫故守節現年七十二  
向啟發妻劉氏年二十夫故守節于歸半載撫前

子成立事姑盡孝現年五十歲

向世賢妻楊氏年三十夫故孀居撫孤成立氏現年七十二歲

艾文忠妻康氏年三十一夫亡守節撫遺腹子章海妾子章河均入邑庠督學王□旌題清操勵俗匾額

吳宏典妻賴氏年二十二夫故矢志守節上事孀姑下撫幼子成立現年五十一

黃錫鼎妻向氏夫亡守節勤儉持家現年七十餘

恩施縣志

卷九

列女

四十二

黃 鈺妻向氏年二十一夫亡守節子甫三歲撫孤事親歿年八十九督學楊 旌以閨閣典型額

楊有儒妻舒氏夫亡遺一子家赤貧矢志守節歿年七十八

周登秀妻黃氏年十九于歸未一載夫外亡遺腹一女不育無舅姑家貧如洗依母母勸改適氏誓死不嫁苦節終身歿年八十二

唐光進妻姚氏年二十夫故守節撫二子成立歿

年八十餘

唐光練妻張氏年十八夫亡守節撫一子成立年八十餘終

生員宋經癸妻朱氏年二十四夫亡無子矢志守節歿年七十

程宗武妻范氏年二十九夫亡守節督學王給砥節懷清額

何熙珏之母吳氏生江西甫婚其夫卽客施貿易數年不歸氏尋至施遂家焉生四子年三十餘

恩施縣志

卷九

列女

四十三

夫亡撫孤教育卒年八十一歲

陳啟芳妻萬氏年二十六夫亡守節撫子瑞祥成立現年五十五

生員梅映香妻宋氏年二十七夫亡遺孤一家貧如洗矢志守節撫孤成立歿年四十九

謝開仕妻朱氏年二十三夫亡遺孤甫一歲矢志守節事姑以孝聞紡績度日勤苦持家鄉里稱之經縣令詳請給節孝可風

廩生康光燦妻沈氏夫故氏時年二十八撫孤守

節學使王 獎以節孝可風額

米楊氏年十九至性過人母病篤氏割左臂肉進  
母獲愈後適米翁媪連喪米病瞽成殘廢氏積  
勞成癘痼疾父憐之出金貲予米置妾迎氏歸  
二十五年不愈竟以是疾終

邑廩生田岱雲之繼妻胡氏西城賈人女年十八  
適田琴瑟靜好無出撫前室二子如己子田省  
試病故氏撤釵珥迎櫬歸葬甘貧苦志完節終  
身年六十七卒

恩施縣志

卷九

列女

四十四

張仰高妻楊氏事姑氏任年八十餘悋憤如嬰兒  
楊委內政于子婦輩自與姑同寢處昕夕服侍  
姑呼食食之姑呼衣衣之澣濯提挈之役他人  
不能堪者力任之積十年姑九十四歲終肫然  
至性竟得之姑婦之間宜其以孝聞也

陳朝棟妻敖氏夫亡守節現年八十一歲學憲江  
給以節壽延禧扁額

廖南薰妻李氏年二十八夫亡守節

生員彭元慶妻金氏年二十夫故有欲奪其志者

金曰夫爲儒士而改適畔乎義矣或曰無子而  
家貧恐難繼志奈何金曰吾十指食一人足矣  
族兄玉成嘉其志迎之以疾終

何大海妻田氏夫亡守節

陳開貴妻龍氏夫早逝矢志守節子美珍娶婦劉  
氏生子景明未幾美珍亡劉氏繼姑之志守節  
撫子成立娶婦亦劉姓女未幾景明又亡劉繼  
姑與祖姑之志亦守節一門之中柏節霜操三  
世相承採風者必將取而發潛德之幽光也

恩施縣志

卷九

列女

四十五

周懷德妻劉氏年二十四夫故守節撫子成立

廩生王桂芳妻劉氏年二十六歲夫故守節家赤

貧惟紡織度日教子成立

生員胡國壽妻向氏二十七歲夫故守節撫子成  
立

流寓

唐

李白流夜郎時經此登城北碧波峰有把酒問月詩後置亭遂以問月名焉

杜甫集中有鄭典自施州歸詩中云聽子話此邦令我心悅懌又云我有平肩輿前途猶準的翩翻入鳥道庶免蹉跎厄蓋公寓夔距施不遠或嘗至此

鄭虔訪裴施州冕至此

唐十八代宗時坐事清江

舊志

按唐書未載十

恩施縣志

卷九

流寓

四十六

八或寓李字

宋

蘇軾曾至施有贈施州喬太傅詩

黃庭堅謫涪時嘗至施題詠甚多石通洞書有涪翁二字 按山谷有贈主簿趙彥成詩蓋趙爲之主也

朱勝非字藏一蔡州人宋紹興間拜尚書僕射宋史有傳曾至施有石通洞詩

張灝見一統志  
未載事蹟

曹霽有題詠 舊衛志

明

鄒維璉字德輝江西新建進士任考功司郎中天  
啟三年以攻魏璫戍施一載後起南太僕少卿  
巡撫福建在施著作題詠甚多有友白集大夢  
草俱燬於兵  
文安之字汝止彝陵人天啓二年進士改庶吉士  
授檢討遷南京司業崇禎十六年至施住四載  
明史有傳

恩施縣志

卷九

流寓

四十七

滕之倫字伯倫廣西解元官庶吉士崇禎末至施  
有題象牙五峯二詩

熊汝學字自福江西南昌人荊州府工部廠官楚  
撫尚文公子避兵至此

陳正言字鹿野彝陵人川東制憲工詩畫避兵至  
施

張京字士將漢陽舉人陝西避兵至施

王奇字大可麻陽舉人訪袁守戎至施多題詠

劉福字寶善蜀人訪黃溥至

國朝

吳朝發荊州監利庠生乾隆間游學至施設帳授徒講求制藝極精施之文風頗資其力

彭邦鼎字配堂江西南昌人工書善詞賦曉崑山音律嘉慶間爲佟郡伯幕賓贅樊副將家後官山東巡檢

羅成章字文藻湖南茶陵州庠生父先賢遷至施折貲不能歸章以教讀在籍所獲脩金歲寄以養父後送其母至施遂寄籍恩施博學工文邑

恩施縣志

卷九

國朝

四十八

士多出其門

方技

周宗範字尚文石首諸生寄籍恩施精醫治沈疴無不應手而起曾有冷姓婦孕周見之曰此鬼胎也治之墮下如獼猴狀又治楊姓婦鬼胎墮下如蛙蛇狀博學而不以詞章炫家貧而遇人急則雖斗粟亦分半與之無隔貯澹如也

釋氏

明



王峯不知何處人明時往來施地初在小茶園建寺既入石通洞煉丹有樵者母病篤無喪具倉卒過洞前師知其故曰爾需幾何曰三兩足矣師命取一石來樵者取石不大師曰爾心誠置爐中煉之成銀三兩樵者遂以辨喪有詭辭往懇者師亦曰取石來其人取石甚大晒之置爐中煉不成銀師曰爾心不誠胡爲囉喙遂去不知所往

寂明不知何處人嫻武藝崇禎七年流寇猖獗檄

恩施縣志

卷九

釋氏

四十九

施南東鄉二司進勦以指揮鄧崇震唐堯德及寂明分督之至巴東平陽壩遇賊大隊入川敗

績寂明死之

二修係  
宋志

童復慶幼失怙恃遭亂流入蜀堂兄海明和尚尋歸經紀其生理以續祖祀後海明病篤慶割股療之

恩施縣志卷之九終